



Ostaju iza rešetaka

Sud BiH donio je rješenje kojim se osumnjičenima Sreti Pajiću iz Istočnog Sarajeva i Zoranu Mirjaniću sa Sokoca produžava pritvor za naredna dva mjeseca. Njih dvojicu su pripadnici **SIPA** uhapsili 27. februara u akciji provedenoj na području Sarajeva, Istočnog Sarajeva i Sokoca zbog krađe vozila.

Pritvor im je produžen zbog opasnosti od bjekstva, bojazni da će boravkom na slobodi uništiti, sakriti, izmijeniti ili krivotvoriti dokaze ili tragove važne za krivični postupak, kao i naročitih okolnosti koje ukazuju da će ometati krivični postupak utjecajem na svjedoke,

saučesnike ili prikrivače. Pored toga, pritvor im je određen i zbog opasnosti od ponavljanja krivičnog djela.

Podsjetimo, Sud BiH je početkom marta odredio jednomjesečni pritvor Pajiću i Mirjaniću, a odbio je prijedlog da odredi pritvor i trećem uhapšenom u ovoj akciji Milošu Todoroviću, kojem su određene mjere zabrane.

Pajić i Mirjanić se sumnjiče da su članovi grupe za organizirani kriminal koja se bavila krađama vozila na području Kantona Sarajevo. Ukradena vozila su preprodavana trećim osobama ili je za njih tražen otkup od vlasnika.

D. P.